

脊匐匍進危磴削立千餘仞廣不盈背左右顧皆絕壑唯見深黑吾
形黽黽如負甕自視甚贅然微風至搖搖欲落第恐身之不爲石矣
夫人所憑伏者手足而督在目方其在罅目着暗壁升則寄視于指
也降則寄視于踵也目受成焉耳罅盡而厓目乃爲崇眩于削爲栗
眩于深爲掉眩于仄爲喘愚者不然心不至目故也今乃知嶮之所
以劇矣余衣不蔽腰下着窮袴見影乃笑登厓下望攀者如猱側者
如蟹伏者如蛇折者如鵝山之厖厖乃至此自恨無虎頭寫真筆也
踰仙掌壁折入石弄北旋上石滑而不級爲東峰過坪躡厓道尊持
而中斷爲南峰度峰足蜿蜒上石葉上覆而橫裂爲西峰南峰踞兩
峯之上如人危坐而雙引其膝下有土徑異樹交絡峽水鳴其間峯
嶺各有池如曰如盆如破瓮鮮壁澄澈古松覆之西峰石多豐乍視
如未穩南峯之背有靜室垂雙鐮鐮盡爲鐵杙以承板道東峰南下